

UNIVERZITET U TUZLI

Upravni odbor

Broj: 04-4459-3.1./15

Tuzla, 10.09.2015. godine

Na osnovu člana 51.stav 1. tačka n) Zakona o visokom obrazovanju („Službene novine Tuzlanskog kantona“ broj: 8/08., 11/09., 12/09., 13/12., 16/13., 7/14. i 8/14.), člana 18. stav 1. tačka l) Zakona o Univerzitetu u Tuzli („Službene novine Tuzlanskog kantona“ broj: 9/08, 8/10 i 7/11), člana 72. stav (1) tačka t) Statuta Univerziteta u Tuzli (Drugi prečišćeni tekst), na prijedlog Senata Broj: 03-2926-10.1/15, od 27.05.2015. godine, Upravni odbor Univerziteta, na sjednici održanoj 10.09.2015.godine, donio je

## **PRAVILNIK**

### **o izmjenama i dopunama Pravilnika o radu Fonda za nagrađivanje studenata dodiplomskog studija i naučno i stručno usavršavanje zaposlenika Univerziteta u Tuzli**

#### **Član 1.**

U Pravilniku o radu Fonda za nagrađivanje studenata dodiplomskog studija i naučno i stručno usavršavanje zaposlenika Univerziteta u Tuzli broj: 04-38-4638-1/01 od 10.10.2001. godine, br: 04-5902-2.1./03 od 28.11.2003. godine i br: 04-6183-2.3/05 od 21.10.2005. godine član 1. mijenja se i glasi:

"Radi podsticanja zaposlenika za naučno i stručno usavršavanje za sticanje naučnog/stručnog/umjetničkog stepena magistra, odnosno doktora nauka iz sredstava Fonda za nagrađivanje studenata dodiplomskog studija i naučno i stručno usavršavanje zaposlenika (u daljem tekstu: Fond) mogu se dodjeljivati sredstva za sufinansiranje troškova za sticanje naučnog/stručnog/umjetničkog stepena magistra, odnosno doktora nauka zaposlenicima izabranim u naučno-nastavno zvanje asistenta i višeg asistenta na Univerzitetu u Tuzli (u daljem tekstu: Univerzitet).

Radi podsticanja zaposlenika Univerziteta koji obavljaju administrativno-stručne poslove mogu se dodjeljivati sredstva Fonda za dodatno stručno educiranje i osposobljavanje za potrebe obavljanja poslova radnog mjesta kao što su specijalizacije, polaganje pravosudnog/revizorskog/stručnog upravnog/državnog ispita/ sticanje licence, učešće na seminarima i sl."

#### **Član 2.**

Član 27. se mijenja i glasi:

„Iz sredstava Fonda, studentima postdiplomskog studija koji su zaposlenici Univerziteta sa punim radnim vremenom, koji su izabrani i angažovani u nastavi, mogu se dodjeljivati sredstva za pokriće troškova postdiplomskog studija za sticanje naučnog/stručnog, odnosno umjetničkog stepena magistra iz naučnih oblasti za koje je Univerzitet matičan, u skladu sa raspoloživim sredstvima za ove namjene, utvrđenih Odlukom Upravnog odbora Fonda.“

#### **Član 3.**

U članu 29. stav 1. mijenja se i glasi:

”Upravni odbor Fonda, u skladu sa Finansijskim planom raspisuje Konkurs za dodjelu sredstava za namjene iz člana 1. ovog Pravilnika.”

U istom članu stav 2. se briše.

Stav 3. postaje stav 2.

#### **Član 4.**

Član 35. mijenja se i glasi:

"Zaposlenicima Univerziteta sa punim ili dijelom radnog vremena koji su izabrani i angažovani u nastavi dodjeljivat će se sredstva na ime pokrića troškova školarine/ izrade i odbrane doktorske disertacije za sticanje naučnog stepena doktora nauka, u visini i po prioritetima koji se utvrđuju Odlukom Upravnog odbora Fonda."

#### **Član 5.**

Član 37. stav 3 mijenja se i glasi.

Interni konkurs se raspisuje u skladu sa raspoloživim sredstvima i objavljuje na oglasnoj ploči Univerziteta i Web stranici Univerziteta.

#### **Član 6.**

Ovaj Pravilnik stupa na snagu danom donošenja.

PREDSJEDNIK  
UPRAVNOG ODBORA

Akademik prof.dr.sc. Enver Zerem